

5 Te whai māramatanga Te mārama ki te NCEA

Mahere wātū

Ngā karere matua

- Kei te mārama au ki te NCEA, kei te mōhio anō hoki me pēhea te tino whiwhi painga i tērā mō tōku anō āpōpōtanga.
- Kei te mārama au ki ngā āhua e tūhono ana te NCEA ki ōku kaingākau me aku huarahi aramahi mō anamata.

Te raupapa wātū

1. Kī atu ki ngā rangatahi i te wā i ō rātou tūpuna kotahi anake pea tō rātou aramahi. I ēnei rā, ka mahi pea tātou i te huhua noa o ngā mahi i a tātou e ora ana. Mā te whai NCEA ka whiwhi rātou i ngā whiwhinga hei whakaatu i ō rātou pūkenga i ētahi wāhi. He taputapu anō hei āwhina i tā rātou urunga ki ngā huarahi aramahi e kaingākau ai rātou.
2. Whakarāpopotohia ngā kōrero mō te hira o te whiwhi āwhina mō te hanga kōwhiringa aramahi. Kī atu ki ngā rangatahi mā rātou e ako te hanga o ngā mōhiohia whaihua i tēnei wātū mō te NCEA, ā, ka āhei te tuku pātai mō ngā āhuatanga katoa. Tonoa rātou kia whakaatu i te nui o tō ratou mōhiotanga ki te NCEA, mā ngā tohu matimati: 1 = he kūare, tae atu ki te 10 = ka mōhio ki te katoa.
3. Pātaihia ngā rangatahi he aha ā rātou pātai mō te NCEA, ka tuhituhi ai ki te papa tuhituhi.
4. Whakaaturia te ataata Ka Pēhea a NCEA e Mahi ai. Mā rātou pea e tuhituhi ngā pātai kei a rātou.
5. Oti kau ana te ataata, kia haere tonu te whakaaturanga mō te NCEA mā te whakamahi i ngā tuhipoka matapaki NCEA kei raro. Taki matapakia ngā pātai i a koe e koke whakamua ana.
6. Kī atu ki ngā rangatahi he kairoro poto mō te NCEA kei te haere. Whakarōpūhia ngā rangatahi, ka pātai i ngā pātai, ka whiwhi whakautu.
7. Pātaihia ngā rangatahi mēnā ka nui ake ināianei tō rātou mōhiotanga ki te NCEA i tō rātou mōhiotanga o mua. Kōrerorotia ngā puna mō ngā mōhiohia atu anō. Tonoa ngā rangatahi kia whakaoti i te wāhanga tuatoru, i Te hoe, o tā rātou pūwhakamahere aramahi Te haerenga hou.

Ngā āheinga aramahi matua

Whakaatu māramatanga ki ngā huarahi ako me ngā pūkenga ina kōwhiri marau kura.

Whakaatu māramatanga ki te hononga i waenga i te angitu mātauranga me te whakamahere aramahi.

Ngā pātai matua

He aha te NCEA?

Kei hea tōna wāhi kei tō pūwhakamahere aramahi Te haerenga hou?

He aha e uaua nei te whiwhi whiwhinga NCEA

Mā wai koe e āwhina ki te mōhio haere ki te NCEA?

Ngā rauemi tautoko

Kaiārahi PowerPoint 5

Rauemi kaiārahi:
Ngā tuhipoka matapaki NCEA

Rauemi kaiārahi:
Kairoro poto mō te NCEA

Ngohe rangatahi:
Pūwhakamahere aramahi
Te haerenga hou (Wātū 1)

Roanga

30-40 meneti

5 Te whai māramatanga Te mārama ki te NCEA

Rauemi kaiārahi: Ngā tuhipoka matapakī NCEA

Hei tīmata kōrerorerotanga mō te NCEA ngā mōhiohio kei raro nei. Ka āhei te whakautu i ētahi atu mōhiohio mai i tō kura.

He aha te NCEA?

Tonoa ngā rangatahi kia whakaatu kei tēhea kaupae rātou, mai i te 1 ki te 10, o te arawhata mātauranga.

Ka pēhea te NCEA e mahi ai

Tonoa ngā rangatahi kia tuhituhi i ā rātou pātai me te mātakitaki i tēnei ataata [Ka pēhea a NCEA e mahi ai](#), he 6 meneti te roa, me te āta whakarongo mō ētahi whakautu ki ā rātou pātai.

- He aha ō mōhiotanga ki te NCEA?
- He aha ō pātai mō te NCEA?

E 6.05 meneti te roa o tēnei ataata. He whakarato i te tirohanga whānui o te NCEA. Whakatenatenatia ngā rangatahi kia mātakitaki me te aro tonu ki ā rātou pātai, ka tuhituhi ai i ngā whakautu e hāngai ana.

Ko tāu e hiahia ana kia whiwhi i te NCEA

Whakarāpopotohia ngā kōrero mō NCEA i roto i te ataata. Kua whakautua ko ēhea pātai a rātou, ā, he aha ērā atu o ā rātou pātai?

Whakaūngia te hira o te kōwhiri marau e pai ana ki a rātou, ka āwhina hoki i a rātou ki te mahi i tā rātou e hiahia ai ā te wehenga atu i te kura. Anei ētahi anō mōhiohio mō te NCEA.

- Ka whiwhi whiwhinga ngā rangatahi hei tō rātou whakaaturanga kua ako i ētahi pūkenga, mōhiotanga rānei e hāngai ana ki ia marau, ā, kua kīia ērā he paerewa.
- E hua ake ana ētahi whiwhinga i te tutukinga o tētahi paerewa. Me whakaatu ngā rangatahi ka taea e rātou ētahi mahi te whakaoti kia whiwhi paerewa ai, kia whiwhi whiwhinga ai hoki.
- Ka tutuki pea i ngā rangatahi ētahi o aua paerewa i te akomanga i roto i te tau (aromatawai ā-roto). Me mahi pea ētahi i tētahi whakamātautau i te mutunga o te tau (aromatawai ā-waho).
- Ka tāpiritia ngā whiwhinga mō ia marau ki te tapeke o ā rātou whiwhinga mō te tau. E toru ngā taumata o ngā tiwhikete NCEA, kei te āhua tērā o te uaua o ngā paerewa kua tutuki.
- Me whiwhi i ngā whiwhinga 60 kia whakawhiwhia ai ki tētahi tiwhikete NCEA i tēnā taumata, i tēnā taumata, ā, i tua atu, me whiwhi i ngā whiwhinga 10 i te reo matatini, me ngā whiwhinga 10 i te pāngarau.
- Engari kia kotahi anake tō rātou whiwhi i te tapeke o ngā whiwhinga 20 i te reo matatini me te pāngarau. Ina tutuki tērā whakaritenga, e pā ana ki ngā taumata katoa o te NCEA.
- Ka taea e rātou te whiwhi ngā whiwhinga ka hiahatia mō ia taumata o te NCEA i te wā roa atu i te tau kotahi.

Rangatahi Futures

Ngā mahi a ngā tūpuna 5. Te mārama ki te NCEA

Ngā rauemi kaiārahi: Mahere wātū, Ngā tuhipoka matapakī NCEA

5 Te whai māramatanga Te mārama ki te NCEA

Rauemi kaiārahi: Ngā tuhipoka matapaki NCEA (e haere tonu ana)

Ngā whiwhinga e arotau ana ki tō huarahi ako

He whiwhi whiwhinga ngā rangatahi mā te ako mō ngā mea rerekē i tēnā marau, i tēnā marau, ā, e kīia ana ērā ko ngā paerewa. E rua ngā momo paerewa - ngā paerewa me ngā paerewa paetae.

Ka tutuki i ngā rangatahi tētahi paerewa NCEA mā te whiwhi i ngā whiwhinga e 60 mā te kōwhiringa o ngā paerewa me ngā paerewa paetae.

1. Ka whiwhi paerewa paetae te tangata mā te ako i ngā marau o te Marautanga o Aotearoa. I runga anō i te pai o ā rātou mahi ka whiwhi ngā rangatahi ki tētahi o ēnei taumata – kīhai i tutuki, kua tutuki, kaiaka, kairangi rānei.
2. Mēnā ka mōhio te tangata ki tāna e pīrangi ana ki te mahi ā muri i tōna wehenga atu i te kura, ka āhei te whiwhi whiwhinga ka whai wāhi ki tētahi tohu i a ia e ako tonu ana i te kura. E kīia ana enei he paerewa paetae. Ka whiwhi paerewa paetae ngā rangatahi mā te ako i ngā marau ahumahi (pērā i te kaikuti makawe, te mahi tāpoi rānei), mā te ako anō hoki i ngā marau o Te Marautanga o Aotearoa. Mō te taha ki ngā paerewa, ka whiwhi ngā ākonga i ngā taumata kua tutuki, kīhai i tutuki rānei.

Ngā taumata o NCEA

E whā ngā taumata o ngā paerewa paetae NCEA. Ka whiwhi ngā rangatahi i te maha ōrite o ngā whiwhinga mō tētahi paerewa paetae ahakoa kua tutuki, he kaiaka, he kairangi rānei te taumata.

- Ko te tikanga o te taumata kīhai i tutuki, kāore ō whiwhinga i eke ki tērā e tutuki ai te paerewa paetae.
- Mēnā kua tutuki te taumata i whiwhi koe, tēnā kua tutuki i a koe te paerewa paetae.
- Mēnā he kaiaka te taumata i whiwhi koe, tēnā kua tino pai tō whakatutukinga o te paerewa paetae.
- Mēnā he kairangi, i runga noa atu tō whakatutuki i te paerewa paetae.

Ka taea e ngā rangatahi te whiwhi whakamanatanga tiwhikete NCEA me ngā whakamana akoranga ina tutuki i a rātou ngā taumata kaiaka me te kairangi. Me whiwhi i te taumata kairangi mō te 50 whiwhinga kia whakawhiwhia ai ki te whakamanatanga tiwhikete.

Kei te whakaatu te whakamanatanga tiwhikete i te pai o ngā mahi puta noa i ētahi marau, ā, kei te whakaatu ngā whakamanatanga akoranga i te pai o ngā mahi i ētahi marau ake. Kei te whakaatu ēnei whakamanatanga i ngā kaha me ngā pūkenga o ngā rangatahi ki ngā kaitukumahi me ngā kaiwhakarato mātauranga matua, ka mutu, he āwhina tērā mō ngā tono mahi me ngā tono uru ki ngā whareako. Me whiwhi rawa ngā rangatahi i te taumata kairangi mō te 14 whiwhinga i tētahi marau kia whakawhiwhia ai ki te whakamanatanga marau. Me aromatawai ā-waho rawa i te toru i te itinga rawa o aua whiwhinga.

5 Te whai māramatanga Te mārama ki te NCEA

Rauemi kaiārahi: Ngā tuhipoka matapaki NCEA (e haere tonu ana)

Te whakatutuki NCEA

Ina ako ngā rangatahi ki te whakatutuki i tētahi paerewa mā te kaiako e whakamahuki ki a rātou tā rātou e ako ai ki te mahi, ā, me pēhea rātou e whakaatu ai i tā rātou i ako ai kia tutuki ai te paerewa me te whiwhi whiwhinga. Ko te whakatutuki i tētahi paerewa ko te mahi i ērā mahi e whakaaturia ai e rātou kei a rātou tērā pūkenga, mōhiotanga rānei.

Te takakawe tonu kia puta te ihu i te NCEA

Nā te whiwhinga o ngā taumata kaiaka, kairangi rānei kua whakaatu te tangata kua piki ana mahi ki taumata kē, ka mutu, ka whakaatu i te hōhonutanga o tōna mōhiotanga me tōna kakama ki te whakamahi i taua mōhiotanga.

Kei te whakaatu ngā ata o te pōhutukawa i te rerekētanga i waenga i tērā ka tūmanakohia ka taea e te ākonga te mahi kia whakawhiwhia ai ki ngā taumata kua tutuki, kaiaka me te kairangi.

Matapakia ngā taumata e whā ki ngā rangatahi.

- He aha ngā rerekētanga e kite ana koutou i waenga i ia rākau?
- Me aha koutou kia eke ki ngā taumata kaiaka me te kairangi?
- He aha ka whakauaua i te whiwhi i aua taumata? Mā wai pea e āwhina?

Ngā hua a te NCEA

Kōrerorerotia ēnei ki ngā rangatahi:

- He aha pea te pāpānga o te whiwhi NCEA ki tō haerenga aramahi?
- Me kimi mōhiotanga anō pea koe mō ētahi atu marau?
- Mā wai koe e tautoko pea ki te haerenga NCEA i te kura? I te kāinga?